

膠澳志

函  
千  
冊  
函

膠澳志卷二

方輿志一 境界

膠澳商埠之區域以膠州灣爲中心沿膠州灣之四圍劃出陸地若干成爲膠澳商埠區東北界嶗山與卽墨縣接壤西跨海西以抵膠縣境北境距卽墨縣城十五公里西北境距膠縣城十公里北部西部所占陸地甚狹東北方與西南方所占陸地較豐儼然成東西兩半島青島市內及李村等處屬東半島而海西則屬西半島膠澳地在夏禹時屬青州領域形勢亦酷肖之夏禹時代之青州轄境當今之遼東半島與山東省域之大部分以渤海爲中心虞舜時代之營州周代職方氏之幽州與夏禹時代之青州方員廣狹稍有出入然大致相類膠澳區東半島之南端爲團島與西半島之北端海西岬相對峙以扼膠州灣之咽喉猶之遼東半島與山東半島相對峙以綰渤海之出入也山東半島之在中國向與直隸山西號稱三輔且當黃海渤海之要衝就國防交通文化各方面觀之在吾國北部位置至爲重要膠澳與渤海之關繫雖以距離較

遠不若威海衛大連之密切然地當黃海腹心乃東方之第一重門戶北縮奉直東航日韓南通海州上海位置適中不僅司山東貿易之出入實兼握北方航運之樞機也膠澳區之界線乃自前清光緒二十四年二月十四日即西歷一八九八年三月六日我國與德國訂立膠州灣租借條約時由兩國委員所劃定者原約第三款規定曰茲將所租各段之地開列於後（一）膠澳之口北面所有連旱地之島其東北以一線自陰島東北角起至嶗山灣爲限（二）膠澳之口南面所有連旱地之島其西南以一線自離齊伯山島西南偏南之灣西南首起往笛羅山島爲限（三）齊伯山陰島兩處（四）膠澳之內全海面至現在潮平之地（五）膠澳之前防護海面所用羣島如笛羅山炸連等嶼是爲膠澳劃界之緣起所謂膠澳口者即指團島岬與海西岬間之海頸膠澳口北面連旱地之島即東半島（括青島市李村等）膠澳口南面連旱地之島即西半島也訂約後由中德兩國委員會同劃界自南窩半島偏東海岸處起立第一號界石地當北緯三十六度七分東經一百二十度三十五分四十六秒由此而北經聚

仙宮之西沿磚塔嶺之脊北向于嶺上廟西路口立第二號界石又北抵北緯三十六度九分五十二秒東經一百二十度三十六分之地點立第三號界石由此沿山路平折而東抵東經一百二十度三十六分四十秒之地點復平折而北經五指峯抵北緯三十六度十一分六秒之地點立第四號界石復沿山路東北向略作弧形抵東經一百二十度三十七分四十七秒北緯三十六度十二分十八秒之地點立第五號界石由此折而西向偏北沿蔚竹菴背後之山坡復北抵東經一百二十度三十六分十一秒北緯三十六度十四分之地點立第六號界石由此折而西復折而北抵北緯三十六度十四分二十秒東經一百二十度三十六分六秒之地點立第七號界石正當赴王哥莊之路口由此沿捧石山脊而北經七百十四公尺與六百九十三公尺之兩高峯折而西抵北窩落村之北當北緯三十六度三十五分五秒東經一百二十度三十四分十一秒之處立第八號界石由此沿王喬崗山之山脊西抵楊家村北之廟側立第九號界石迂而西南抵白沙河岸立第十號界石越河南岸而西立第十一號界石

復越河而北抵大周家莊之東立第十二號界石由此沿河北岸迄於河口抵南港村之西立第十三號至第二十一號界石沿海岸折而北經女姑山又折而西北越紅沙河抵鐵家莊之南立第二十二號至第二十八號界石平行而西抵下厓村南立第二十九號界石此爲膠澳區之極北境地當北緯三十六度十九分二十四秒由此復折而南抵東古島之東南立第三十至第三十九等號界石復折而東南經城古莊之東立第四十號至第四十五號界石復折而西南抵趙家嶺莊正南之尖角立第四十六號至第五十二號界石由此折而西北復折而西南抵潮海莊南端之尖角立第五十三號至第六十一號界石由此折而西北復折而西抵西南塋村南端之尖角立第六十二號至第六十四號界石由此折而西北抵大沽河之東岸立第六十五號第六十六號界石越河而西抵塔埠頭鎮之北立第六十七號第六十八號界石由此而西抵馬家村之東立第六十九號第七十號界石第七十號界石當東經一百二十度三分四十五秒實爲膠澳區之極西境由此迂曲而南經東塋村之東立第七十一號至第

七十八號界石復折而西抵侯王河北立第七十九號界石由此向南引一直線抵龍泉村之東立第八十號界石由此折而東偏南抵發吉院東北之尖角立第八十一號至第九十四號界石由此而西南復折而東南抵大石頭之東端立第九十五號至一百零九號界石由此迂曲而西復南向引一直線抵長城嶺之東立第一百十號至第一百三十二號界石由此迂曲而南抵濠北頭立第一百三十三號至第一百三十七號界石由此沿舊運河之西岸南抵濠南頭立第一百三十八九號界石由此沿大灣口迂折而西南向經廣河口積米厓抵靈山衛舊城立第一百四十號至第一百五十一號界石此爲界石之第末號以上界石自第一號至二十二號又薛家島濠北頭濠南頭之界石三方鐵家莊陳家莊間之界石三方大沽河東岸界石一方塔埠頭北橋側界石一方均載在租地合同及潮平合同餘則未載德人所製五萬分之一之膠澳全圖亦同其後日人製圖則一百五十一號之界石地點具載圖內蓋德人於千九百十年補立界石一次較初立爲更詳也由大灣口起沿薛家島之東岸北抵海西岬之北

端越膠澳海口自團島沿岸東向至南窩半島第一界石處是爲膠澳全區之境界線我國收回後卽以租借地之境界爲準於民國十一年十一月頒布之膠澳商埠章程規定其方位如下

膠澳商埠章程第二條 膠澳商埠之區域爲南北自北緯三十五度五十三分三十秒起至三十六度十六分三十秒止東西自東經一百二十度八分三十秒起至一百二十度三十七分四十秒止

右之經緯度仍沿襲德人之計算以陸地爲標準故南北以薛家島之南端爲極南起點以白沙河北之十四十五兩號界石爲極北終點至於膠州灣以潮平爲限界說本甚含糊三十年來沙漲潮低今之潮平線較之中德定界時之潮平綫相距甚遠且陰島黃島業與平陸接壤故膠澳現在管轄之陸地實以第二十八九兩號界石爲極北境當北緯三十六度十九分二十四秒水靈山島之南端爲極南境當北緯三十五度四十四分三十三秒第七十號界石爲極西境當東經一百二十度三分四十五秒塔連島爲極東境當東經一百二十度五十二分十秒此不可不知也

至於膠澳商埠中心之青島市其區域亦嘗以膠澳商埠章程及青島市施行市自治令規定如下

膠澳商埠章程第四條 市定名爲青島市以青島市街台東鎮及台西鎮之界址爲區域其他各地均稱爲鄉各鄉之區域由商埠督辦規定之

又青島市施行市自治令(十一年十一月十八日教令第二十六號)第二條 青島市之區域以青島市街台東鎮及台西鎮之界址爲區域

膠澳商埠中心之青島市適當東部半島之西南隅其市街建于青島灣與大港之間地帶適當北緯三十六度東經一百二十度與美國之桑佛郎西司哥港英領之直布羅陀海峽日本之東京緯度相同青島灣之南部爲外港外港之港界東自太平角之南端向西南方劃一直綫至海西岬東端之淮子口又由海西岬之北端下菴向北方劃一直綫以達團島之南角在此不等邊之三角形內是爲外港之領域俗稱前海在海西岬與團島間之直綫以西更由湖島子向西南劃一直綫以達黃島北端後灣莊之北角又由黃島之東端向東南劃一直綫以達薛家島灣北屯村之北端尖角在此

人字形內是爲內港之領域俗稱後海大港小港所有碼頭設備均在內港  
由青島市赴國內國外之重要商港其水程距離如下(以一海涅爲單位)

|    |       |      |        |
|----|-------|------|--------|
| 天津 | 四八四   | 神戶   | 八四五    |
| 烟台 | 二三九   | 橫濱   | 一·一三〇  |
| 大連 | 二五六   | 敦賀   | 一·五一九  |
| 安東 | 四一六   | 函館   | 一·七三二  |
| 海州 | 一五〇   | 高雄   | 一·二七一  |
| 上海 | 三三五   | 海參崴  | 一·八七〇  |
| 福州 | 八六三   | 馬尼拉  | 一·〇三〇  |
| 廈門 | 一·〇六二 | 新加坡  | 二·六五九  |
| 香港 | 一·二三五 | 西爾特爾 | 五·五〇七  |
| 仁川 | 三四〇   | 馬塞耳  | 八·三八二  |
| 釜山 | 五〇〇   | 倫敦   | 一一·四〇一 |
| 長崎 | 五六三   | 紐約   | 一一·〇〇八 |

門司

五五〇

桑佛郎西斯哥

五・七四二

由青島市經鐵路赴內地各重要城市其距離如下(以一公里爲單位)

膠州

八一

北京

八八三

高密

一〇七

泰安

四六六

濰縣

一九六

兗州

五五〇

青州

二四〇

濟甯

五八二

濟南

三九四

徐州

七一一

天津

七四八

浦口

一・〇五一

方輿志二 面積

膠澳商埠區之陸地面積併所屬二十五島嶼合計共五百五十一平方公里又七五三領海面積卽團島岬以西之膠州灣全部滿潮爲界計五百六十平方公里又青島灣領海(卽前海)面積十六平方公里又五茲細別之如下

(二) 膠澳區東部半島陸地(卽青島市及李村滄口等)

四六一・四七六

方公里

(二) 膠澳區西部半島陸地(即海西薛家島等)

四六·五七四

(三) 膠澳區所轄島嶼共計

四三·七〇三

(甲) 在膠州灣內各島

大鮑島

〇〇〇九

陰島

二八·七九〇

毛島

〇〇〇二

黃島

五·三九〇

小島(在黃島西方)

〇·一六〇

小島(在黃島西南方)

〇〇·一〇

(乙) 在膠州灣外各島

青島

〇〇〇二

麥島

〇·一二八

本中今國籍赤島劉繼圖錄以島之舊名實與與舊案諸圖為詳錄也 ○〇一二

劉谷變遷而竹岔島因北兩式面必登日縣劉快新之書面論新劉 ○三四一

因烈天南養檳榔島一書浪離面辭亦同因烈因以縣人之書書為錄 ○〇七七

本條面題以蓮島(共三小島)為對辭人昔平斷量之幾外另圖十二 ○〇二四

圖與面單全大福島 ○五五四

增辭縣面辭小福島(在大福島西北方) ○〇一一

劉繼圖面辭鮑魚島 ○〇一七

石島 ○〇一〇

大公島 ○一六二

小島(在大公島西方) ○〇〇六

戛堤廟(即家門島乃八仙墩北方之三小島) ○〇三四

小公島 ○〇一九

唐島

〇〇七〇

水靈山島

七五五五

小島（在水靈山北方）

〇〇一〇

小島（在水靈山東南方）

〇〇〇一

搭連島

〇二八一

陸地總面積

五五一·七五三

領海總面積

五七六·五〇〇

膠澳商埠全區海陸總面積

一·一二八·二五三

右列面積乃商埠局財政科依據德人昔年測量之數於民國十二年譯漢製表日人田原天南著膠州灣一書所載面積亦同田原固以德人之著書爲藍本也三十年來陵谷變遷而陰島之西北兩方面沙塗日漲膠州灣之海面縮減陰島黃島往年宛在水中今則衍爲平陸雖仍冠以島之舊名實則與薛家島團島相類事實上乃半島耳

又如德人原測二十五島而河洛島磨石島鼓子洋天橋礁馬蹄礁概未列入或因礁岩面積過小而遺之耶我國收回後迭經舉辦清丈十三年丈青島市內十四年丈台東區十五年丈海西區市內變更尙少至於海西計薛家島紅石崖塔埠頭陰島四區原有放租官地五千三百四十五畝新測分禾稼地葦草地荒域地未租地四項共二萬零七百零二畝較原有放租之數增出一萬五千三百五十七畝約合七平方公里當原有陸地面積百分之一又二五是卽新增陸領之一部分猶屬官地之數民地尙不在內其餘山陬海隅官地測量亦未告竣故全陸面積究屬幾何尙難知其確數也

### 方輿志三 山川

山東全省之山脈實發源於長白山長白山分二支一支東南向綿亙於朝鮮之東南境至於釜山入海一支西南走奉天省境衍爲摩天嶺藍古嶺（卽千山山脈）更東南向形成遼東半島之脊骨至旅順老鉄山入海復斷續於廟島羣島之間越直隸海峽以入山東省境其東走者至成山角而止是爲山東半島東部之分水嶺西走者越大

嶧山以達平度掖縣境地勢漸平坦既越濰水而西又復隆起岡阜連綿以迄嶧山蒙  
山爲西部之分水嶺此嶺以北之河流入于渤海以南河流由江蘇境入于黃海由此  
更西入泰安境是爲泰山山脈泰山山脈乃山東半島之骨髓黃海渤海間之大分界  
也而嶧山一脈則屬泰山脈之分支由靈山山脈自蓬萊南走於招遠萊陽之間以抵  
卽墨境形成嶧山半島

嶧山之嶧或作勞亦有稱爲牢山或鼇山者據明顧炎武山東考古錄載「勞山之名  
齊史以爲登之者勞又云一作牢邱長春又改爲鼇皆鄙淺可笑按南史明僧紹隱於  
長廣郡之嶧山又本草天麻生於泰山嶧山諸山則字本作嶧若魏書地形志唐書姜  
撫傳作牢乃傳寫之誤」又云「寰宇記秦始皇登勞盛山望蓬萊後人因謂此山一名  
勞盛山誤也勞盛二山名勞卽勞山盛卽盛山史記封禪書七曰日主祠成山成山斗  
入海漢書作盛山古字通用齊之東偏環以大海海岸之山莫大于勞成二山故始皇  
登之史記秦始皇本紀自琅玕北至榮成山予向疑之以爲其文在琅玕之下成山之

上必勞字之誤近見王充論衡實知篇引此正作勞成山」云云益知勞本作嶓而嶓成爲山東半島東部之兩大山脈又可證也

嶓山之主峯曰巨峯俗稱嶓頂其高海拔一千一百三十六公尺實爲嶓山之中心由巨峯而分走於四方乃嶓山半島之總分水嶺全部山勢東峻而西坦西走之山岐爲數小支其在膠澳區內者北支爲石門山山脈中支爲李村南山山脈南支爲浮山山脈此數山脈之間稍見平衍可耕之地是爲李村區

山勢自巨峯南走爲將軍槽將軍槽之東方經明霞洞太清宮東南行抵八仙墩是爲嶓山半島之東南角由八仙墩沿海折而北向則青山黃山也

自巨峯西南走爲磚塔嶺在將軍槽西更南爲麥窰南窰以抵南窰半島與大福島相對是爲嶓山半島之南端

巨峯之正西爲五指峯海拔一千公尺五指峯之正西爲狼山亦名蘆山海拔七百七十九公尺是爲由巨峯岐出之南支狼山東與將軍槽相對以形成涼水河之流域西

與葛場山午山相對峙以形成豬窩河之流域狼山之西爲北坡李家坡傾斜之坡度平緩德人曾建牧場于此南爲菴子更南爲登窰東坡以抵栲栳島

由巨峰五指峯而北爲雙石屋海拔六百公尺雙石屋之東南有蔚竹菴北抵北九水廟隔北九水與駱駝頭相對峙

五指峯之西北爲大圈子更西北走爲柳樹台柳樹台與雙石屋間之水爲北九水向西北流卽白沙河之主流也

雙石屋之東爲官老石屋海拔六百公尺地當柳樹台之北偏東官老石屋之西北爲鋸山海拔六百公尺鋸山斜向東爲駱駝頭海拔五百公尺鋸山爲巨峯北支之一傾斜較緩東與嶸山北幹之針岩棒石相對峙以形成白沙河上游之流域西與葛場山相對峙以形成桑家澗之流域桑家澗亦白沙河之一支流也

葛場之西山勢漸低爲峪峯由此而北爲五龍山海拔四百尺五龍之西爲石門山海拔六百餘公尺有大石夾立若門故名石門山北與卽墨縣境之王喬園山相對峙而